



**O‘ZBEKISTON RESPUBLIKASI
IXTISOSLASHTIRILGAN TA’LIM MUASSASALARI AGENTLIGI
AL-XORAZMIY UNIVERSITETI REKTORINING
BUYRUG‘I**

2025-yil 19-iyun 2-son

Al-Xorazmiy universitetiga 2025/2026 o‘quv yili uchun talabalarni qabul qilishga oid chora-tadbirlar to‘g‘risida

O‘zbekiston Respublikasi Prezidentining “Al-Xorazmiy universitetini tashkil etish hamda axborot texnologiyalari sohasida kadrlar tayyorlash tizimini yanada takomillashtirish chora-tadbirlari to‘g‘risida”gi 2025-yil 30-apreldagi PQ–160-son qarori ijrosini ta’minlash, shuningdek, 2025/2026 o‘quv yili uchun ta’limning bakalavriat shakliga talabalarni qabul qilishni samarali tashkil etish maqsadida

BUYURAMAN:

1. Al-Xorazmiy universitetiga 2025/2026 o‘quv yili uchun talabalarni qabul qilish tartibi to‘g‘risidagi nizom ilovaga muvofiq tasdiqlansin.

2. Belgilab qo‘yilsinki:

saralash imtihonini shaffof va adolatli o‘tkazilishini ta’minlash uchun ta’lim sohasida, jumladan saralash imtihonlarini o‘tkazish borasida katta tajribaga ega mutaxassislar va xorijiy tashkilotlar bilan muzokaralar olib borib, belgilangan tartibda shartnoma tuziladi;

zarurat vujudga kelganda, murojaatlarni ko‘rib chiqish hamda tegishli savollarga joyida javob berib borish uchun “Call markaz” faoliyati yo‘lga qo‘yiladi;

2025/2026 o‘quv yili uchun talabalarni qabul qilish parametrlari ishlab chiqilib, belgilangan tartibda kelishish uchun Ixtisoslashtirilgan ta’lim muassasalari agentligiga kiritiladi;

talabalarni qabul qilishning barcha jarayonlari yakunlanganidan so‘ng, ushbu jarayonlarda faol ishtirok etgan va jonbozlik ko‘rsatgan mutaxassis va xodimlar belgilangan tartibda mukofotlanadi.

3. Mazkur buyruq ijrosini nazorat qilishni o‘z zimnamda qoldiraman.

Ijrochi direktor

M. Islamov

**Al-Xorazmiy universitetiga 2025/2026 o'quv yili uchun talabalarni qabul
qilish tartibi to'g'risida
NIZOM**

1-bob. Umumiy qoidalar

1. Mazkur Nizom O'zbekiston Respublikasi Prezidentining "Al-Xorazmiy universitetini tashkil etish hamda axborot texnologiyalari sohasida kadrlar tayyorlash tizimini yanada takomillashtirish chora-tadbirlari to'g'risida" 2025-yil 30-apreldagi PQ-160-son qaroriga muvofiq ishlab chiqilgan.

2. Mazkur Nizom Al-Xorazmiy universitetiga (keyingi o'rinlarda – Universitet) 2025/2026 o'quv yilining bakalavr bosqichiga kirish uchun hujjatlarni topshirish, ularni ko'rib chiqish va qabul qilish, shuningdek hujjatlari qabul qilingan talabgorlar orasidan belgilangan tartibda iqtidorli yoshlarni saralab olish hamda o'qishga qabul qilish tartibini belgilaydi.

3. Mazkur Nizomda quyidagi asosiy tushunchalar qo'llaniladi:

talabgor – Universitetning bakalavr bosqichiga kirish istagida bo'lgan abituriyent;

Qabul komissiyasi – Universitet rektorining tegishli buyrug'i bilan tashkil etiladigan, belgilangan vakolatlari doirasida talabgorlarning hujjatlarini topshirish va qabul qilish, ko'rib chiqish hamda ular orasidan iqtidorli yoshlarni saralash va o'qishga qabul qilish jarayonlarini muvofiqlashtiruvchi kollegial organ;

Ishchi guruh – Qabul komissiyasi huzurida tashkil etiladigan, belgilangan vakolatlari doirasida talabgorlarning hujjatlarini topshirish va qabul qilish, ko'rib chiqish hamda ular orasidan iqtidorli yoshlarni saralash va o'qishga qabul qilish jarayonlarini olib boruvchi guruh;

"Admission Portal" elektron platformasi (keyingi o'rinlarda – Elektron platforma) – Universitet tomonidan talabgorlarning hujjatlarini topshirish va qabul qilish, ko'rib chiqish hamda ular orasidan iqtidorli yoshlarni saralash va o'qishga qabul qilish jarayonlarini tizimlashtirish uchun maxsus ishlab chiqilgan elektron platforma;

saralash imtihoni – talabgor bilimini adolatli, obyektiv va shaffof tarzda baholashga qaratilgan saralash imtihoni;

biriktirilgan mas'ul xodim – Universitet rektorining tegishli buyrug'i bilan saralash imtihonini o'tkazish uchun mas'ul etib biriktirilgan Universitet xodimi;

kafolat to'lovi – saralash imtihonidan mavaffaqiyatli o'tgan va talabalikka tavsiya etilgan talabgor tomonidan uning Universitetda o'qish joyini band qilish

uchun joriy etilgan to'lov;

shartli oferta – kafolat to'lovini to'lash uchun talabgorga Universitet tomonidan taqdim etiladigan to'lov hujjati;

4. Hujjatlarni topshirish, ularni ko'rib chiqish va qabul qilish, saralash imtihonini tashkil etish hamda o'qishga qabul qilish ushbu Nizomning 1-ilovasida keltirilgan sxemaga muvofiq amalga oshiriladi.

Bunda, barcha jarayon teng huquqlilik, adolat va shaffoflik tamoyillari asosida tashkil etilishi shart.

5. Universitetga o'qishga qabul qilish belgilangan tartibda tasdiqlangan talabalarni qabul qilish parametrlari doirasida, saralash imtihoni natijalari asosida amalga oshiriladi.

6. Ixtisoslashtirilgan ta'lim muassasalari agentligi tizimidagi Prezident maktablari (keyingi o'rinlarda – Prezident maktabi) bitiruvchilari "Cambridge International AS & A Level" sertifikatini asosida, saralash imtihonida ishtirok etmasdan to'g'ridan-to'g'ri o'qishga qabul qilinadi.

Bunda, Prezident maktabi bitiruvchisi "Cambridge International AS & A Level" sertifikatining elektron shakldagi imtihon natijalari hisobotida matematika fani bo'yicha "Cambridge International Education" tomonidan o'rnatilgan eng past "E" ko'rsatkichidan past ko'rsatkichga ega bo'lgan taqdirda o'qishga qabul qilinmaydi.

7. Xorijiy fuqarolarni o'qishga qabul qilish bo'yicha har bir holat Qabul komissiyasi tomonidan alohida ko'rib chiqiladi hamda belgilangan talabalarni qabul qilish parametrlari doirasidan tashqarida qabul qilinadi.

8. Talabgor belgilangan tartibda tasdiqlangan talabalarni qabul qilish parametrlari bo'yicha faqat bitta ta'lim yo'nalishi uchun hujjatlarni topshirishi mumkin.

Talabgor 2025/2026 o'quv yili boshlanishining birinchi 2 (ikki) ish kuniga qadar ta'lim yo'nalishini o'zgartirish yuzasidan Elektron platforma orqali murojaat qilish huquqiga ega bo'ladi. Bunda, o'zgartirish so'ralgan ta'lim yo'nalishida belgilangan tartibda tasdiqlangan talabalarni qabul qilish parametrlari doirasida qabul qilish imkoni mavjud bo'lishi lozim.

2-bob. Hujjatlarni topshirish, ularni ko'rib chiqish va qabul qilish

1-§. Hujjatlarni topshirish

9. Hujjatlarni topshirish 2025-yil 2-iyunda boshlanib, 2025-yil 18-avgustda yakunlanadi.

Yakunlash muddati talabgorlar soni va murojaatidan kelib chiqib, Qabul komissiyasi tomonidan o'zgartirilishi mumkin.

10. Talabgor hujjat topshirishda quyidagi talablarga muvofiq bo'lishi lozim: umumiy o'rta, o'rta maxsus yoki professional ta'lim muassasasini

tamomlagan yoki tamomlash arafasida (oxirgi bosqichida ta'lim olayotgan) bo'lishi; ingliz tilini kamida "Common European Framework of Reference" (CEFR) shkalasi bo'yicha "B2" darajada bilish.

11. Hujjatlarni topshirish onlayn tarzda Elektron platforma orqali amalga oshiriladi.

12. Talabgor hujjatlarni topshirishdan avval Elektron platformada saralash imtihoni shartlari hamda uning huquq va majburiyatlari bilan tanishganligi to'g'risidagi ommaviy ofertani tasdiqlashi lozim.

13. Talabgor hujjatlarni topshirishi uchun unga Elektron platformada shaxsiy kabinet ochiladi va talabgor o'zi to'g'risidagi so'ralgan ma'lumotlarni kiritadi.

14. Talabgor shaxsiy kabinetga quyidagi hujjatlarni elektron shaklini yuklashi lozim:

talabgorning 11 yillik umumiy o'rta, o'rta maxsus yoki professional ta'limni tamomlaganligi to'g'risidagi rasmiy hujjat;

oilasi "Ijtimoiy himoya yagona reyestri" axborot tizimi orqali kam ta'minlangan deb e'tirof etilganligini tasdiqlovchi hujjat (mavjud bo'lgan taqdirda);

Xalqaro matematika olimpiadasi (IMO), Xalqaro fizika olimpiadasi (IPhO), Xalqaro kimyo olimpiadasi (IChO), Xalqaro biologiya olimpiadasi (IBO), Xalqaro informatika olimpiadasi (IOI) g'olibligini tasdiqlovchi sertifikat (mavjud bo'lgan taqdirda);

ushbu Nizomning 2-ilovasida qayd etilgan xalqaro sertifikat (keyingi o'rinlarda – Xalqaro sertifikat) (mavjud bo'lgan taqdirda);

ingliz tilini bilish darajasi "IELTS" 5,5 va undan yuqori ekanligini tasdiqlovchi sertifikat, Prezident maktablari bitiruvchilari bundan mustasno. Bunda, ushbu Nizomning 4-ilovasida qayd etilgan "IELTS" 5,5 va undan yuqori darajalarga tenglashtirilgan natijalarni tasdiqlovchi hujjat taqdim qilinishi mumkin.

Hujjatlar topshirish vaqtida ushbu bandeda ko'rsatilgan hujjatlar mavjud bo'lmasdan turib, hujjat topshirilganidan so'ng qo'lga kiritilgan bo'lsa, ushbu hujjatni yuklashning oxirgi muddati 2025-yil 5-sentabr hisoblanadi. Bunda, majburiy hisoblangan hujjat taqdim etilmagan taqdirda, talabgor o'qishga qabul qilinishiga yo'l qo'yilmaydi.

15. Elektron platformada talabgorning tegishli ma'lumotlari va surati integratsiya qilingan tizim orqali avtomatik ravishda yuklanadi. Agar tizimda avtomatik ravishda yuklanishi lozim bo'lgan ma'lumotlar yoki surat texnik sabablarga ko'ra yuklanmay qolgan taqdirda, talabgor tomonidan qo'shimcha yuklanishi kerak.

Bunda, surat 3,5sm x 4,5sm hajmda, "PNG" / "GIF" / "JPEG" / "JPG" formatda, rangli, 5 MBdan oshmagan hajmda, oxirgi 3 oy ichida suratga olingan, neytral yuz ifodasi hamda ko'zlar ochiq holda yelkalar ko'ringan bo'lishi lozim.

16. Hujjatlarni belgilangan muddatlarda, to'g'ri va sifatli topshirish bo'yicha

mas'uliyat talabgor zimmasiga yuklatiladi.

2-§. Hujjatlarni ko'rib chiqish va qabul qilish

17. Topshirilgan hujjatlar Ishchi guruh tomonidan 3 (uch) ish kuni mobaynida ko'rib chiqiladi.

18. Topshirilgan hujjatlarning haqiqiyliги mavjud imkoniyatlardan kelib chiqqan holda tekshiriladi.

19. Topshirilgan hujjatlar Ishchi guruh tomonidan ko'rib chiqilganidan so'ng, talabgorга ko'rib chiqish natijalari (hujjatlar qabul qilinganligi yoki rad etilganligi) to'g'risida uning shaxsiy kabinetiga xabar yuboriladi.

20. Topshirilgan hujjatlarda kamchiliklar aniqlangan taqdirda, talabgor ushbu kamchiliklarni xabar yuborilgan vaqtdan boshlab 2 (ikki) ish kuni mobaynida bartaraf etishi shart, aks xolda hujjatlar rad etiladi.

21. Topshirilgan hujjatlar rad etilganda, talabgorга hujjatlarni rad etish sabablari batafsil bayon etiladi.

22. Hujjatlarni rad etish uchun quyidagilar asos bo'ladi:

talabgor belgilangan muddatlar yakunlanganidan so'ng, saralash imtihonida ishtirok etish xohishini bildirgan taqdirda;

talabgorning xohishiga ko'ra;

qalbaki va soxta hujjatlar topshirilganligi aniqlanganda;

topshirilgan hujjatlar belgilangan talab normalariga javob bermaganda, shu jumladan topshirilgan hujjatlardagi yozuvlar, muhrdagi yozuvlar sifatsiz holda nusxalangan taqdirda;

talabgor hujjatlar topshirish talablariga mos kelmaganda.

23. Talabgor hujjatlari qabul qilinganidan so'ng, uning yozma va og'zaki murojaati asosida bekor qilinishi mumkin.

3-bob. Saralash imtihonini tashkil etish va o'tkazish

24. Saralash imtihoni 2025-yil 26-avgustda Xorazm viloyatida o'tkaziladi.

Talabgorlar soni va tayyorgarlik darajasidan kelib chiqqan holda joriy yil 21-avgustga qadar Qabul komissiyasi qaroriga asosan saralash imtihoni sanasi o'zgartirilishi mumkin. Bunda, sana o'zgarishi to'g'risidagi axborot talabgorга uning shaxsiy kabineti orqali yetkaziladi.

25. Ishchi guruh hujjatlarni topshirish yakunlanganidan so'ng 2025-yil 21-avgustga qadar hujjatlari qabul qilingan talabgorning saralash imtihonida ishtirok etish ruxsatnomasini uning shaxsiy kabinetiga joylashtiradi.

26. Saralash imtihonida ishtirok etish ruxsatnomasida saralash imtihoni o'tkaziladigan joyi, vaqti va boshqa ushbu jarayonga oid ma'lumotlar ko'rsatiladi.

27. Talabgor saralash imtihoni o'tkaziladigan manzilga belgilangan vaqtda saralash imtihonida ishtirok etish ruxsatnomasi va fuqarolik pasport yoki ID-karta

bilan birga kelishi lozim.

28. Talabgor saralash imtihoniga biriktirilgan mas'ul xodim tomonidan "Face-ID" tizimi asosida tekshiruvdan o'tkazilgan holda kiritiladi.

29. Agar saralash imtihoni kuni talabgorning belgilangan hujjatlari mavjud bo'lmasa, lekin imtihonda ishtirok etishga ruxsat berilgan talabgorlar ro'yxatida talabgor qayd etilgan bo'lsa yoki "Face-ID" tizimi talabgorni aniqlamasa, biriktirilgan mas'ul xodim tomonidan alohida tekshiruv o'tkazish yo'li bilan ushbu talabgorga saralash imtihoniga kirish uchun ruxsat berilishi mumkin.

30. Saralash imtihoni matematika va mantiqiy fikrlash fanidan ingliz tilida tashkil etiladi.

31. Saralash imtihoniga taalluqli barcha materiallar (savollar varaqalari, javob varaqalari va boshqalar) maxfiy xarakterga ega ma'lumot hisoblanadi. Ularning maxfiyligi Qabul komissiyasi tomonidan ta'minlanadi.

32. Saralash imtihoni test shaklida bo'lib, 40 ta topshiriqdan iborat bo'ladi. Bunda, saralash imtihoni savollari Universitet o'quv rejalarini o'zlashtirish imkoniyatiga ega bo'lgan talabgorlarni saralab olishga qaratilgan holda, Qabul komissiyasi tomonidan shakllantiriladi.

33. Talabgor saralash imtihoniga tayyorgarlik ko'rishi uchun Qabul komissiyasi tomonidan saralash imtihoni savollari bo'yicha batafsil ma'lumot taqdim etiladi.

34. Saralash imtihonida savollarga javob berish uchun 120 daqiqa vaqt ajratiladi.

35. Saralash imtihoni videokuzatuv va boshqa texnik vositalarni qo'llagan holda maxsus ajratilgan joylarda o'tkaziladi.

36. Saralash imtihoni javob varaqalari qora rangli qalamda belgilanadi.

37. Saralash imtihonida har bir talabgor 2 (ikki) dona qora rangli qalam, ichimlik suvi, savollar kitobi, javoblar varaqasi va qoralama uchun qo'shimcha varaqlar bilan ta'minlanadi.

38. Ishchi guruh saralash imtihoni bo'lib o'tadigan sanadan kamida 5 (besh) kalendar kun avval Qabul komissiyasi tomonidan taqdim etilgan savollar kitoblari va javoblar varaqalarini saralash imtihoni bo'lib o'tadigan binolar kesimida qopchalarga taqsimlanganini, xavfsizlik qoidalari asosida muhrlanganini tashkil etadi.

39. Saralash imtihoni boshlanishida biriktirilgan mas'ul xodim talabgorlar va saralash imtihoni bo'lib o'tadigan binoda nazoratchi bo'lgan shaxslar guvohligida qopchani ochadi.

40. Saralash imtihoni davomida talabgorlar va saralash imtihoni bo'lib o'tadigan binoda nazoratchi bo'lgan shaxslar tomonidan ushbu Nizomning 3-ilovasida qayd etilgan barcha turdagi materiallar va qurilmalardan foydalanish hamda harakatlarni amalga oshirish taqiqlanadi.

41. Saralash imtihonini tashkil etishga oid talablar buzilganda, biriktirilgan mas'ul xodim tomonidan tegishli tartibda dalolatnoma rasmiylashtirilgan holda talabgor yoki saralash imtihoni bo'lib o'tadigan binoda nazoratchi bo'lgan shaxsni majburiy ravishda saralash imtihonidan chetlatiladi.

42. Saralash imtihoni yakunlanganidan so'ng, biriktirilgan mas'ul xodim savollar kitoblari va javoblar varaqalarini saralash imtihoni bo'lib o'tadigan binoda nazoratchi bo'lgan shaxslar guvohligida xavfsizlik qoidalari asosida qopchaga muhrlaydi va Qabul komissiyasiga uning maxfiyligi va daxlsizligini ta'minlagan holda yetkazadi.

43. Saralash imtihoni bo'lib o'tadigan binolar hamda ushbu Nizomda nazarda tutilmagan saralash imtihonining tashkiliy jarayonlari Universitet rektori buyrug'i yoki Qabul komissiyasi qarori bilan tartibga solinadi.

44. Xalqaro sertifikatga ega bo'lgan talabgor saralash imtihonidan ozod etiladi va unga sertifikatning tegishli fani bo'yicha berilgan balidan kelib chiqib, uning haqiqiyligi tasdiqlanganidan so'ng ushbu Nizomning 2-ilovasiga asosan saralash imtihoni natijasi taqdim etiladi.

Bunda, ushbu talabgorga o'z xohishiga ko'ra saralash imtihonida ishtirok etish huquqi beriladi. Agar talabgor unga xalqaro sertifikat bo'yicha taqdim etilgan saralash imtihoni natijasi va u ishtirok etgan saralash imtihoni natijasi orasida farq yuzaga kelsa, yuqori natija inobatga olinadi.

4-bob. Saralash imtihoni natijalarini shakllantirish, e'lon qilish va o'qishga qabul qilish

45. Saralash imtihoni natijasi foiz ko'rsatkichida shakllantiriladi.

46. Saralash imtihoni natijalari Qabul komissiyasi tomonidan 2025-yil 17-sentabrda e'lon qilinadi, Xalqaro sertifikat asosida saralash imtihoni natijasi taqdim etilgan talabgorning saralash imtihoni natijasi bundan mustasno.

47. Qabul komissiyasi tomonidan saralash imtihoni natijalari, shuningdek davlat grantiga talabgorlik qilishi mumkin bo'lgan talabgorlarning dastlabki ro'yxati saralash imtihoni e'lon qilingan kunda shakllantiriladi.

Bunda, davlat grantiga talabgorlik qilishi mumkin bo'lgan talabgorlarning dastlabki ro'yxatida ko'rsatilgan davlat granti miqdorlari talabgorlarning shaxsiy kabinetida aks ettiriladi.

48. Talabgor saralash imtihoni natijasiga ko'ra, kamida 50 foiz ko'rsatkichga ega bo'lgan taqdirda talabalikka tavsiya etilishi mumkin.

49. Saralash imtihoni natijalariga ko'ra, talabalikka tavsiya etilgan talabgorlar soni belgilangan tartibda tasdiqlangan talabalarni qabul qilish parametrlari miqdoridan ko'p bo'lgan taqdirda, ular bitirgan maktabi toifasi va to'plagan balidan kelib chiqqan holda quyidagicha ajratiladi:

parametr doirasida talabalikka tavsiya etilgan talabgorlar;

parametrdan tashqari talabalikka tavsiya etilgan talabgorlar.

Bunda, talabgorlar o'rtasida teng ballar to'planganda:

ushbu Nizomning 5-ilovasiga asosan ingliz tilini bilish darajasi yuqori talabgorga ustunlik beriladi;

agar talabgorlarning ingliz tilini bilish darajasi ham teng bo'lsa, hujjatlari qabul qilingan sanasi inobatga olinadi;

parametrdan tashqari talabalikka tavsiya etilgan talabgorlar kutish rejimiga tushiriladi.

50. Ishchi guruh saralash imtihoni natijalari e'lon qilingan kundan boshlab 5 (besh) ish kuni mobaynida parametr doirasida talabalikka tavsiya etilgan talabgorga uning shaxsiy kabineti orqali shartli ofertani yuboradi, Prezident maktabi bitiruvchisi bundan mustasno.

51. Agar talabgorga uning Xalqaro sertifikatida asosida saralash imtihoni natijasi taqdim etilgan bo'lsa, unga quyidagilarni nazarda tutgan holda belgilangan muddatdan oldin shartli oferta yuborilishiga yo'l qo'yiladi:

100 foizlik saralash imtihoni natijasi taqdim etilganda – qonunchilikda belgilangan tartibda davlat grantini berish orqali o'qishga qabul qilish;

100 foiz ko'rsatkichdan past bo'lgan saralash imtihoni natijasi taqdim etilganda – to'liq to'lov-kontrakt asosida o'qishga qabul qilish. Bunda, saralash imtihoni yakunlanib, barcha talabgorlarning ko'rsatkichi shakllantirilganidan so'ng, shartli oferta qonunchilikda belgilangan tartibda davlat grantini berish orqali o'qishga qabul qilishga o'zgartirilishi mumkin.

52. Prezident maktabi bitiruvchisi hisoblangan talabgorga tasdiqlov hujjati uning shaxsiy kabineti orqali belgilangan tartibda uning hujjatlari qabul qilinganidan so'ng 3 (uch) ish kuni mobaynida yuboriladi.

53. Tasdiqlov hujjati joriy yil 5-sentabrga qadar imzolanib, skaner qilingan nusxasi shaxsiy kabinetga yuklanishi lozim.

54. Shartli oferta yuborilgan kundan boshlab 5 (besh) ish kuni mobaynida Universitet hisob raqamiga 4 (to'rt) million so'm miqdorida kafolat to'lovi to'lanishi lozim. Mazkur miqdor talabgorlarning soni va murojaatidan kelib chiqib, Qabul komissiyasi qarori asosida o'zgartirilishi mumkin.

55. Kafolat to'lovi quyidagi holatlarda va muddatlarda qaytariladi:

talabgorga belgilangan tartibda 100 foizlik davlat granti taqdim etilganda – o'quv yili boshlanganidan so'ng 2 (ikki) oy muddatda, bunda ushbu davrda talaba o'qishdan chetlashtirilgan holat mustasno;

talabgor unga joriy o'quv yili uchun belgilangan kontrakt-to'lov miqdorini ta'lim krediti asosida to'liq to'laganda. Bunda, talabgor Universitetga kafolat to'lovini qaytarib berish bo'yicha murojaat yo'llashi lozim – kontrakt-to'lovi miqdori Universitet hisob raqamiga to'liq to'langan va talabgorning kafolat to'lovini qaytarib berish bo'yicha murojaati kelib tushganidan so'ng 10 (o'n) ish kuni muddatda;

kafolat to'lovi amalga oshirilganidan so'ng 3 (uch) ish kuni mobaynida talabgor tomonidan kafolat to'lovini qaytarib berish bo'yicha murojaat yo'llanganda – kafolat to'lovini qaytarib berish bo'yicha murojaati kelib tushganidan so'ng 10 (o'n) ish kuni muddatda.

56. Kafolat to'lovi talabgorga u tomonidan ko'rsatilgan plastik kartaga qaytarib beriladi.

57. Talabgor kafolat to'lovini qaytarib berish bo'yicha murojaatni "admission@akhu.uz" elektron manziliga yuborishi va unda quyidagi ma'lumotlarni ko'rsatishi lozim:

a) talabgorning F.I.Sh.;

b) qaytarib berilishi lozim bo'lgan plastik kartochka bilan bog'liq quyidagi ma'lumotlar:

bank nomi;

bank tranzit hisob raqami; bank MFO;

bank STIR;

plastik kartochka hisob raqami.

Mazkur murojaatga qaytarib berilishi lozim bo'lgan plastik kartochka egasining pasport yoki ID-karta nusxasi ilova qilinishi lozim.

58. Mazkur Nizomning 55-bandida nazarda tutilgan hollardan tashqari qolgan barcha holatlarda to'langan kafolat to'lovi qaytarilmaydi.

59. Parametr doirasida talabalikka tavsiya etilgan talabgor belgilangan tartibda tasdiqlov hujjatini imzolamagan, kafolat to'lovini amalga oshirmagan yoki o'z xohishiga ko'ra Universitetda o'qishni rad etgan taqdirda, ushbu talabgor parametr doirasida talabalikka tavsiya etilgan talabgorlar ro'yxatidan chiqarilib, uning o'rniga keyingi o'rinda turgan talabgor qo'yiladi va shu tariqa kutish rejimidagi talabgor parametr doirasida talabalikka tavsiya etilgan talabgorlar ro'yxatiga kiritiladi.

60. Ishchi guruh muntazam ravishda parametr doirasida talabalikka tavsiya etilgan talabgorlar ro'yxatini yangilab boradi hamda kutish rejimidan parametr doirasida talabalikka tavsiya etilgan talabgorlar ro'yxatiga kiritilgan talabgorga o'sha kunning o'zida unga uning shaxsiy kabinetiga shartli ofertani yuboradi.

Bunda, ushbu talabgorga kafolat to'lovini to'lash uchun shartli oferta yuborilgan kundan e'tiboran 3 (uch) ish kun muddat beriladi.

61. Parametr doirasida talabalikka tavsiya etilgan talabgor belgilangan tartibda tasdiqlov hujjatini imzolamagan, kafolat to'lovini amalga oshirmagan yoki o'z xohishiga ko'ra Universitetda o'qishni rad etganidan so'ng, qayta parametr doirasida talabalikka tavsiya etilgan talabgorlar ro'yxatiga kiritish yuzasidan murojaat qilsa:

80 foizdan past ko'rsatkichga ega bo'lgan talabgor kutish rejimidagi

talabgorlar ro'yxatining oxirgi o'rniga;

Prezident maktablari hisoblangan yoki 80 foizdan yuqori ko'rsatkichga ega bo'lgan talabgor kutish rejimidagi talabgorlar ro'yxatining eng yuqori o'riniga joylashtiriladi.

62. Ishchi guruh 2025/2026 o'quv yili boshlanishining birinchi 5 (besh) ish kuniga qadar parametr doirasida talabalikka tavsiya etilgan talabgorlarning yakuniy ro'yxatini shakllantiradi.

5-bob. Apellatsiya shikoyati

63. Talabgor saralash imtihoni natijalari yuzasidan saralash imtihoni natijalari e'lon qilingandan so'ng 3 (uch) ish kuni muddat ichida Qabul komissiyaga o'zining shaxsiy kabineti orqali appellatsiya shikoyatini (ariza) yuborishi mumkin. Ushbu muddat Qabul komissiyasi tegishli qarori bilan o'zgartirilishiga yo'l qo'yiladi.

64. Apellatsiya shikoyati Qabul komissiyasi tomonidan belgilangan tartibda ro'yxatga olinadi, 5 (besh) ish kuni ichida ko'rib chiqilib, tegishli qaror bilan rasmiylashtiriladi va o'sha kunning o'zida talabgorga uning shaxsiy kabineti orqali xabar beriladi.

65. Talabgorning shikoyati (arizasi) qanoatlantirilgan taqdirda, saralash imtihoni natijalari qayta ko'rib chiqiladi va unga o'zgartishlar kiritiladi. Qabul komissiyasining ushbu qarori yakuniy hisoblanadi.

6-bob. Yakunlovchi qoidalar

66. Mazkur Nizomga o'zgartirish va qo'shimchalar Universitet rektorining tegishli buyrug'i asosida kiritiladi, ushbu Nizomda belgilangan holatlar bundan mustasno.

67. Mazkur Nizomni qo'llashda yuzaga keladigan nizolar qonunchilik hujjatlarida belgilangan tartibda hal etiladi.

68. Mazkur Nizom talablarining buzilishida aybdor bo'lgan shaxslar qonunchilik hujjatlariga muvofiq javobgarlikka tortiladi.

Al-Xorazmiy universitetiga
2025/2026 o'quv yili uchun talabalarni
qabul qilish tartibi to'g'risidagi nizomga

1-ILOVA

**Hujjatlarni topshirish, ularni ko'rib chiqish va qabul qilish,
saralash imtihonini tashkil etish hamda o'qishga qabul qilish**

SXEMASI

Bosqichlar	Mas'ullar	Tadbirlar	Muddat
1-bosqich	Talabgor	1. Saralash imtihoni shartlari, huquq va majburiyatlar hamda Qabul komissiyasi vazifalari bilan tanishganlik to'g'risidagi ommaviy ofertani tasdiqlash. 2. Elektron platformada shaxsiy kabinet ochish. 3. Elektron platforma orqali zaruriy ma'lumotlar va hujjatlarni taqdim etish.	2025-yil 2-iyundan 18-avgustga qadar
2-bosqich	Ishchi guruh	Talabgorlar tomonidan topshirilgan hujjatlarni ko'rib chiqish, qabul qilish yoki rad etish, shuningdek ko'rib chiqish natijasi yuzasidan talabgorga xabar yuborish.	3 ish kuni mobaynida
3-bosqich	Talabgor	Hujjatlarni topshirishda aniqlangan kamchiliklarni bartaraf etish.	2 ish kuni mobaynida
4-bosqich	Ishchi guruh	Saralash imtihonida ishtirok etish ruxsatnomasini shaxsiy kabinetga joylashtirish.	hujjatlar topshirish yakunlangani- dan so'ng, 2025-yil 21-avgustga qadar
5-bosqich	Ishchi guruh	Qabul komissiyasi tomonidan taqdim etilgan savollar kitoblari va javoblar varaqalarini saralash imtihoni bo'lib o'tadigan binolar kesimida qopchalarga taqsimlanishi va muhrlanishini tashkil etish.	saralash imtihonidan kamida 5 kun avval

Bosqichlar	Mas'ullar	Tadbirlar	Muddat
6-bosqich	Talabgor	Saralash imtihonida ishtirok etish ruxsatnomasini yuklab olish.	2025-yil 26-avgustga qadar
7-bosqich	Hamkor tashkilot, Qabul komissiyasi va birik- tirilgan mas'ul xodim	Saralash imtihonini o'tkazish.	2025-yil 26-avgust
8-bosqich	Biriktiril- gan mas'ul xodim	Savollar kitoblari va javoblar varaqalarini muhrlash va Qabul komissiyasiga yetkazish.	saralash imtihoni yakunlanga- nidan so'ng
9-bosqich	Ishchi guruh	Saralash imtihoni natijalari va davlat grantiga talabgorlik qilishi mumkin bo'lganlarning dastlabki ro'yxatini shakllantirish va talabgorning shaxsiy kabinetiga joylashtirish.	2025-yil 17-sentabr
10-bosqich	Ishchi guruh	Talabgorlarning shaxsiy kabinetini orqali shartli ofertani yuborish.	saralash imtihoni natijalari e'lon qilingan kundan boshlab 5 ish kuni mobaynida
11-bosqich	Talabgor	Shartli oferta asosida kafolat to'lovini to'lash.	5 ish kuni mobaynida
12-bosqich	Ishchi guruh	Parametr doirasida talabalikka tavsiya etilgan talabgorlarning yakuniy ro'yxatini shakllantirish.	o'quv yilining birinchi 5 (besh) ish kuniga qadar

Al-Xorazmiy universitetiga
2025/2026 o'quv yili uchun talabalarni
qabul qilish tartibi to'g'risidagi nizomga

2-ILOVA

**Saralash imtihonidan ozod etadigan va matematikaga oid bali asosida saralash
imtihoni natijasi taqdim etiladigan xalqaro sertifikatlar**

RO'YXATI

Talabgorning xalqaro sertifikat bo'yicha to'plagan bali	Saralash imtihonida taqdim etiladigan ko'rsatkich (foizda)
“SAT” sertifikati bo'yicha	
690-800	100
680	95
670	90
660	85
640-650	80
620-630	75
600-610	70
580-590	65
550-570	60
520-540	55
500-510	50
“International Baccalaureate” (IB) dasturi bo'yicha	
7	100
6	90
5	70
4	50
“International AS & A Levels” sertifikatlari bo'yicha	
A*	100
A	90
B	80
C	70
D	60
E	50

Saralash imtihonida taqiqlangan materiallar, qurilmalar va harakatlar

TAVSIFI

Materiallar tavsifi	
1.	Barcha turdagi formulalar kitobi
2.	Talabgorning shaxsiy qayd daftari
3.	Imtihon savollari va fanlariga doir barcha turdagi yozma materiallar
4.	Barcha turdagi shpargalkalar
5.	Lug'atlar
6.	Barcha turdagi yozma materiallar (daftar, kitob va h.k.)
Qurilmalar tavsifi	
1.	Barcha turdagi mobil aloqa qurilmalari
2.	Barcha turdagi aqqli soatlar ("Smart watch")
3.	Barcha turdagi ovoz yoki videotasvirni xotirasiga saqlovchi vositalar
4.	Barcha turdagi hisoblash amallarini bajaruvchi qurilmalar (kalkulyator)
5.	Barcha turdagi masofaviy aloqa vositalari (quloqchinlar va h.k.)
6.	Barcha turdagi elektron ko'zoynaklar
Harakatlar tavsifi	
1.	Saralash imtihoni o'tkazilishi belgilangan manzilga ko'rsatilgan vaqtdan kech qolib kelish
2.	Taqiqlangan material va qurilmalarni bino yoki maydonga olib kirish va foydalanish
3.	Bino yoki maydon hududida boshqa talabgorlar bilan muomalaga kirishish
4.	Imtihon jarayonida boshqa talabgor bilan suhbatlashish va savollar yuzasidan fikr almashish
5.	Imtihon jarayonida boshqa talabgorlarni bezovta qilish va turli harakatlar bilan ishoralar orqali munosabatga kirishish
6.	Imtihon boshlanishidan oldin, imtihon jarayonida va imtihon yakunlangandan so'ng jamoat tartibi qoidalariga zid ravishda harakatlar sodir etish
7.	Imtihon savol varaqalarini o'zboshimchalik bilan olib ketish

4-ILOVA

**Ingliz tilini bilish darajasi "IELTS" sertifikatlari o'rniga taqdim etilishi mumkin bo'lgan
hujjatlar**

RO'YXATI

Dastur nomi	Fan nomi	Talab etiladigan "IELTS" 5,5 ballga mutanosib ko'rsatkich*
International Baccalaureate Diploma	English A at Higher or Standard Level	4
International Baccalaureate Diploma	English B at Higher Level	4
International Baccalaureate Diploma	English B at Standard Level	5
Pearson Edexcel International GCSE English Language	GCSE English Language A	4
Pearson Edexcel International GCSE English Language	GCSE English Language B	4
Pearson Edexcel International GCSE English Language	GCSE English Literature	4
GCSE	GCSE English Language or GCSE English Literature	D
GCE O-Level	GCE O-Level English Language	D
GCE A-Level	GCE A-Level in English Language or English Language & Literature	D
GCE AS-Level	GCE AS-Level in English Language or English Language & Literature	D
IGCSE	IGCSE English as a First Language	D
IGCSE	IGCSE English as a Second Language	D

Imtihon nomi	Talab etiladigan “IELTS” 5,5 ballga mutanosib ko‘rsatkich*
TOEFL iBT **	46
Pearson test of English (PTE)-Academic	59
Cambridge C1 Advanced (Cambridge English: Advanced/CAE)	162
Cambridge C2 Proficiency (Cambridge English: Proficiency/CPE)	162
Cambridge B2 First (Cambridge English: First/FCE)	162
Bilim va malakalarni baholash agentligi tomonidan beriladigan chet tilini bilish darajasi to‘g‘risidagi sertifikat	B2

* qayd etilgan ko‘rsatkichlar minimal ko‘rsatkichlar hisoblanadi;

** “TOEFL iBT Home Edition” sertifikati qabul qilinmaydi.

Al-Xorazmiy universitetiga
2025/2026 o'quv yili uchun talabalarni
qabul qilish tartibi to'g'risidagi nizomga

5-ILOVA

**Ingliz tilini bilish darajasini belgilovchi milliy va xalqaro tan olingan sertifikatlar
o'rtasidagi muvofiqlik darajasi**

RO'YXATI

"Common European Framework of Reference" (CEFR) shkalasi bo'yicha ko'rsatkichlar	Bilim va malakalarni baholash agentligi tomonidan beriladigan chet tilini bilish darajasi to'g'risidagi sertifikat ko'rsatkichlari	"IELTS" ko'rsatkichlari	"TOEFL iBT" ko'rsatkichlari
C2	-	9	118
	-	8,5	115
C1	73-75	8,0	110
	69-72	7,5	102
	65-68	7,0	94
B2	61-64	6,5	79
	56-60	6,0	60
	51-55	5,5	46